

[Ministério do Petróleo e Recursos Minerais](#) Facebook post

## **EMPRESA NOVA ENERGY AND RESOURCES SEI BUKA POTENSIALIDADE KROMITA IHA MANATUTO**

**Manatutu, 13 Marsu 2025**

Governu atribui Kinta-Feira ne'e, lisensa ba prospesaun no peskiza no lisensa ambiental ba kompañia Nova Energy and Resources husi Singapura, atu halo prospesaun no peskiza ba rekursus minerais metáliku hanesan krómika ne'ebé sai materia prima ba produsaun besi, durante tinan hat nia laran iha Munisípiu Manatuto.

Lisensa ne'e atribui husi Sua Eselénsia Ministru Petróleu no Rekursus Minerais, Francisco da Costa Monteiro, Distinta Prezidente Komissaun Parlamentar ba Assuntu Finansas Públikas, Cedilizia Faria, akompañia husi Señor Prezidente ANM, I.P., Señor Prezidente Autoridade Turizmu, Virgílio Smith, Representante Autoridade Munisípiu Manatuto no veteranu husi Ekipa Task Force ba Assuntu Interesse Nasionál.

Representante Autoridade Munisípiu Manatuto hein katak, prospesaun no peskiza ne'ebé sei implementa husi kompañia Nova Energy and Resources, bele lori rezultadu pozitivu ba ekonomia nasionál, hodi kria kampu servisu ba timor-oan sira no deklara prontidaun husi autoridade munisipal hodi kontribui ba susessu husi prospesaun no peskiza.

Ba empreza Nova Energy and Resources, investimentu ne'ebé halo iha Munisípiu Manatutu sei uza teknolojia moderna, ne'ebé garante protesaun ambiental no rekursus naturais no mos ajuda comunidade iha setór edukasaun, saude, infraestruturas no emprega talentu lokál, liu-liu inan feton sira.

Ho potencialidade ne'ebé existe, Señor Prezidente Autoridade Nasionál Minerais, ANM, I.P. Rafael Denilson de Araújo fiar katak, Munisípiu Manatuto sei dezenvolidu ho potencialidade rekursus minerais iha kosta norte no petróleu iha Kosta Súl.

Sua Eselénsia Ministru Petróleu no Rekursus Minerais, Francisco da Costa Monteiro mos destaka potencialidade rekursus metáliku no naun metáliku hanesan kromita no mármore no rekursus petróliferas iha kosta sul ne'ebé, waihira explora sei ajuda maka'as ba dezenvolvimentu Munisípiu Manatuto no nasaun nian.

Tuir Sua Eselénsia Ministru Monteiro, maske kontratu ba prospesaun peskiza válidu ba tinan hat, empreza Nova Energy and Resources hakarak tebes atu bele finaliza atividade durante tinan ida nia laran no hein katak, sei lori rezultadu dí'ak, hodi impulsiona atividade ekonómika. Investimentu ne'e refléta ba programa estratéjiku governu konstitusionál da-sia ba setór ekonómiku, liu-husi dinamiza seitór estratéjiku hotu hanesan petróleu, minerais, turizmu no seluk tan.

Ekipa téknika husi Empreza Nova Energy and Resources sei halo estudu detalladu ba rezerva kromita iha Suku Sau no Iliheu husi Postu Administrativu Manatuto Vila no Uma Kaduak husi Postu Administrativu Lacro, hodi halo mapeamentu jeolojia no prosede ho produsaun mapeamentu jeofizika ho uzu teknolojia modera, atu hatene depozitu kromita iha rai-okos no subemete análise laboratoriu, hodi projeta ba explorasaun iha futuru.